

**SWIFT**

**PORKHAM - Jamonada**

Prepara segun un proceso especial.  
Un delicatessen ariba sandwich.

Agente:

**Wimco**

# ARUBA ANSE COURANT



Diario pa



Aruba

**KING SIZE COCA-COLA**  
MORE FOR YOU!

**NO W!!**  
AIRCONDITIONING  
FOR  
COOLNESS  
Tel. 2170



DIAMARS 6 NOVEMBER 1962

No. 4484

## E CONFLICTO ENTRE CHINA COMUNISTA Y INDIA TA TUMA PASONAN SERIO

**NIEUW DELHI, 6 nov.** — Segun noticianan den prensa di India nan o informo di fuente fidedigno no Tezpoer den Assam, cu e truponan di India a conquista tres pueblo chiquito bono di Towang, den e porti noordoost di e territorio di frontera for di e chinesis. Parce cu e truponan chinesis a comete hopi crueldad.

### Proposicion di Rusia

Premier Chroesjtsjef di Union Sovietica a propone pa nan stap di bringa na e frontera Chines-India y cuminsa negociacionnan, asina fuentenan ta informa cu generalmente ta bon na altura. Chroesjtsjef a haci e proposicion den un carta, cu nan a entrega diabierna na Nehroe.

Segun informe Nehroe lo bisa den su contesta na Chroesjtsjef, cu e Chinesnan mester tuma e posicionnan di ocho di september back, prome cu por papia tocante negociacionnan.

Nehroe no ta dispuesto pa acepta e punto di bista Chines cu eual Chroesjtsjef si ta bai di acuerdo. Esta cu nunca prome frontera tabata stipula.

Den circulacion diplomatico nan ta informa, cu e embalsador Russo na Nieuw Delhi a expresa su preocupacion tocante aceptacion di yudanza militar cerca Merca, ora el a bin entrega e carta di Chroesjtsjef.

### CONSAGRACION DI SYNAGOGUE

Como consecuencia di estorbonan tecnico e relato di consagracion solemn di e Synagoge na Oranjestad no por aparece sino te den nos edicion di majan.

Durante permanencia di deputado Jossy Tromp di dos (di r.) y hefe di oficina di turista Michael Kulperl (r.) na Las Vegas, na ocasion di convencion ASTA cu ultimamente a ser teni aya, ambos seniores a ser invita tambe un anochi na un gran fiesta di hardin, organiza na cas di sr. Cliff Jones (di dos di dr.), cu tambe ta explota e casino di Aruba. Tambe Gobernador di Nevada, Sr. Grant Sawyer (dr.) a asisti na e cocktail party, cual tabatin un fuerte fondo politico. Durante e bishita di sres Tromp y Kulperl na Las Vegas sr. Jones a demonstra su mes tambe como un politico interesante.

### Harriman tocante lucha entre China e India

Averell Harriman, e segundo minister di exterior pa asintunan tocante Lejano Oriente, a bisa den un entrevista na television, cu segun su opinion e ataque di China riba e territorionan di India tabata un sorpresa hopi desagradable pa premier Nehroe di India y e otro lidernan Asiatiko.

Y awor cu e Risonan a laga sa, cu nan lo yuda Chinesnan comunista y no India, e lidernan di India y Asiatico cu a pensa cu nan lo por conta cu yudanza di comunismo a queda decepciona.

### Participacion

Premier Nehroe di India a participa ayera, cu India lo forma un congreso nacional di defensa y posiblemente lo cambia su plan di cinco anja. Lo mas principal ta awor corre cu e invasor for di den e pais. President De Gaulle di Francia a sigui Nehroe riba papel di simpatia di Francia pa India den su conflicto cu China.

### Truponan di India na Ladach ta retiro

Manera ta conoci nan a anuncia ayera

mainta cu truponan di India na e posicionnan na Faulat Oldi na Noord Ladach a retira nan mes pa hanja mihor posicionnan di defensa.

Daniel Beg Oldi ta un post importante na e sector west cu e frontera cu China comunista. Eynan tin un aerapuerto.

E linea ta situa den cercania di Karakorum-Pas, tres kilometer west di e territorio cu e Chinesnan a exigi for di anja 1960.

E portavoz di India a bisa ayera, cu e no ta sigur cu e Chinesnan a ocupa e lugar. El a bisa cu si ta asina auto e Chinesnan por domina e Karakorum-Pas cu ta bai na Jasmir mas inchor. E portavoz a bisa tambe cu e aeropuerto Choesoel na Ladach ainda ta den man di India.

Segun funcionarianan di India e Chinesnan a ocupa awer henter e territorio di Ladach, cu nan tabata exigi for di anja 1960. Hasta ya e Chinesnan a surpasa e frontera cu nan a stipula na algun lugar.

## PIANISTA HAROLD MARTINA A TOCA DEN EDIFICIO DI CONCERT

*Trasmision di esaqui a ser manda Antillanan*

quiet na number di ministro Lampe.

El a toca Suite Ingles den C. tercera menor di J.S. Bach, e sonate den C. menor di J. Haidn, fantasianan opus 116 di J. Brahms i despues di pausa seis baile den ritmo Bulgaro di Bela Bartok i tercer sonate den F opus menor 14 di R. Schumann, conoci como Concert Sans Orchestre.

Muy pronto Harold Martina lo bin bishita Antillanan Neerlandes na unda su majornan ta biba. Despues lo e continua su viaje pa Colombia. E intencion ta cu lo e bai despues America unda quizas lo e duna funcion na Philadelphia i New York.


Diavienes nan a traha un transmision na Wereldamroep pa television cu pronto lo ser manda na Antillanan Neerlandes pa ser transmiti aqui.

**FATUM — Tel.: 1845**  
pa tur bo aseguranon

**DEN HAAG, 6 nov.** — E pionista curazoleño Harold Martina a ofrece un concierto den e sala chikito di edificio di concert boo di protectorado di ministro plenipotenciario di Antillanan Neerlandes, sr. W. F. M. Lompe, cu cooperacion di Sticusa y impresariado hulandes.

Denter di e casi 200 presente na e debut aqui nos a mira tambe cu excepcion di sra. Martina, ministro plenipotenciario di Surinam mr. dr. R.H. Pos, ministro plenipotenciario Lampe, vice-ministro-president drs. H.A. Korthals i senjora, secretario di estado di educacion, artenan i ciencia, mr. Y. Scholten i senjora, president di Primera Camara mr. J.A. Jonkman i senjora, profesor De Gay Fortman i embahador di Colombia, Hernan Gomez-Gomes.

E pianista a ser jama seis bez back na fin di su funcion. El a hanja un bouquet



Diasabra atardi tabatin un interesante pa e show di autonon modelonan 1963 na Viana Auto Supply Company.

Especialmente e convertible Fury di Plymouth a capta hopi admiracion, aunque cu nos mester bisa cu e modelonan di Chrysler, Dodge y Viant tur aparentemente a cai dermaak di e publico. E show a worle anima door di un doorprize cu e worde gana pa srta. T. Hillman. E afortunada srta. aki a hanja un radio-transistor. Tambe tabata presente equipo tecnico di Radio Antillana, cu a transmiti diferente discurso directamente for di oficina di Viana. Ariba e portret aki nos te hanja un impresion dje Interes grandi cu e reina pa e show. Den centro sr. Joe D'Aguiar, sales-manager di Viana Auto Supply, kende tabata informa e publico presente dje novedadnan dje modelonan 1963.



**H. BEEN DEN EILANDSRAAD**

**ORANJESTAD** — Sr. Hendrik Been, en durante e eleccion di eilandsraad na 1959 tabata e unico candidato Holandes riba lista di P.P.A. y cu a hanja 47 voto e anja ei. Awor a worde declara elegi pa eilandsraad door di hoofdstembureau. E a acepta e eleccion aki y e lo presenta su credenciales na e proximo reunion publico.

Sr. Been a worde nombra den e vacatura cu a bini door di salida di sr. O. S. Henriquez for di eilandsraad ora cu e a bira ministro. Promer sr. Fabian Kelly a worde nombra como sucesor di sr. Henriquez pero e raul no a aproba e credenciales di sr. Kelly. E siguiente candidato pa e vacatura tabata sr. Been, cu eual cu esaki ta bira e unico europeo Holandes den e college.

### RHODA STEENHUIZEN A CANTA DEN HOSPITAL

**ORANJESTAD** — E cantante arubana Rhoda Steenhuizen a canta diadomingo pasa pa enfermeria y socorran di hospital San Pedro. Acompaña pa „Los Casinos“ el a ofrece un programa di canticanan popular, manera „Cuando, cuando“, „Johnny“ y „Despedida“. Su cantonan tabata pa hopi cu a senche un sorpresa agradable y e hendenan malo a goza masha tantu.

Diasabra nochi lo e canta den Esso Club.

### DIRECTIVA NOBO DI C.U. SANTA CRUZ

**ORANJESTAD** — Durante e ren-

nion general di miembronan di Credit Unions cu a ser teni dia 4 di november a scolbe e siguiente directiva: president Emiliano Mathilda, vice-president Pedro Fransquin, tesoro srta. Maria L. Coriel-Henriquez, secretaria srta. Enriqueta Loopstok y 2a tesoro-secretario Tarcisio Croes. Den comision financier a hanja sesion sres. Antonio Croes v. Paulus Geerman y damas Nicolasa Geerman y Olinda Thiel. Den comision di vigilancia tin sesion awor sres. Bune Werleman y Juan Coriel, tambe srta. Margo Croes. Avisor general ta sr. Sylvestre Vrolijk, mientras avisor espiritual ta pastoor J. Berlage.

### PASTOOR BURGEMEESTER A SALI PA ISLA 'RIBA

**ORANJESTAD** — Aiera Pastoor Burgemeester di Oranjestad a sali cu avion pa islanan ariba caminda el pasa dos siman di vacation. E vacation aki tabata posibel gracies na e tikete di ida y vuelta cu pastoor a hanja riba dia di su hubileo di koner di poco dia pasa. E pastoor tabata masha entusiasma cu su bishita pa islanan ariba caminda e lo topa diferente di su mignonan bieu cu eual el a jega di traha tempu pasa.

### COMPETITIE A.V.B.

Awenochi pa 7.30 den **WILHELMINA STADION**

**DAKOTA vs. SAN NICOLAS JRS.**  
(HOOFDKLASSE)

TRIBUNA PARABU FL. 1.—

TRIBUNA PARIBA FL. 0.75

Pa mucha tin lugar tras di goal pa FL. 0.25

## „Antilla“ ta ser considera un mehor number cu „Antillanan Neerlandes“

*Publicacion den revista di estudiantenan*

(Di nos corresponden na Corsow)  
**WILLEMSTAD, 6 nov.** — Den „Klinkja“, e revista mensual pa estudiantenan Antillano i esnan cu ta studiando na Hulanda, ta ser publica cu e number „Nederlandse Antillen“ por bien ser cambia pa „Antilla“, esaki ta pa motibu cu e actual indicacion oficial ta finta den e escritor asociacionnan cu „propiedad di Hulanda“. E articulo a ser publica den e ultimo numero cu a caba di aparece.

„A emmiza ta parece masha tem eaba cu ainda nos pais ta un colonia ainda. Pa media di cierto casonan cada bez di nobo mi ta ser recorda cu no ta hopi tem pasa cu e sistema tabata asina en realidad. E motibu di mas principal ta e number cu oficialmente nos pais ta carga: „Antillanan Neerlandes“. E adjectivo ta pone mi corda riba un propiedad di Hulanda“, asina e escritor sin number a skirbi.

„Nos por bisa cu e ta sirbi solamente pa separacion di un conjunto politico di un coleccion geografico, pero ta facil tambe pa salba for di un tal error door di usa e number Antillas. Euega error politico ta ecului, pasobra no ta existi un segundo estado cu tin ni di minimo indicacion di Antillas den su number.

Un otro argumento pa mantencion di number actual ta e union historico cu Hulanda. Segun mi opinion e union aki por bien ser proba for di cosnan otro i mas dilerida.

„Ademas di esei no ta ami, ta e unico cu no ta gusta e number ei. Sea pa su smaak of inconsciente Antillanan ta papia over di Antilla y Antiya ora cu e ta rapia Papiamentu i na Hulandes e ta vida su mes cu Antillen. Mericanonan ta gabra nan ainda masha duro na Dutch West Indies i Latino Americanonan ta


usa Neerlandesas como argumento pa muntra nos cu ainda lo nos ta colonia. Hulandesnan no ta conoce ningun problema den esaki: mi por consumi mi mes diariamente cu e palabra De West.

„Mi ta quere sigur cu door di aplicacion na e realidad door di introduccion di number Antilla como number Hulandes oficial, hopi hende lo queda satisfecho. E Antillano lo salba di un sentimiento desagradable. E Hulandes pensador lo ta basta apto di un relaciona ningun consecuencia na e cambio aki. (E Hulandesnan cu no ta pensa riba esaki ta di opinion cu masha tempu mester salba dje islanan ei). Basta Norte-Americano lo por aplica nan mas facil pasobra e number ta corto. Gobierno di Surinam lo ta contentu cu nos tambe lo quier modifica e Statuut door di introduci e cambio di number. Nan lo no puntra Hulanda mas den Nacionnan Uni ta puga e no ta declara responsabilidadnan mas di su gobernacion over di „West Indie“.

„Lo ta masha bunita cu e number nobo drenta na vigor paru ora cu e constitucion revisa pronta lo bira oficial“, asina e articulo a sali publica.







NO! QUIERO HABLAR -  
E AL JEFE SOBRE UN  
N "COMADREJA"! ES

Brandt a bista cu ta necesario un p  
to di bista uni di occidente.

## vrijdag om 7 uur

III in het papiaments

gelieve zich te voegen op gemeld  
notariskantoor.

zione socialista del parlamento lo tum  
questo over di minister Merlet.


E escritor Van Kampen ta  
a punto centrigo di trans-  
mision di radio „Dit is uw  
leven“, cual a ser presento  
diarazon anochi door di  
Lietz Kosterman bao di di-  
reccion di Joop Koopman  
dilatanti Vara. E portret der  
stul ta sr. Van Kampen, lue-  
go sr. A. Boendermaker, em-  
pleado pensiona di gobier-  
no na Nieuw Guinea y Let-  
zy Kosterman.











## Cuba a duna su consentimiento na vigilancia di Cruz Roja Internacional

NEW YORK, 6 nov. — E secretario general interino di Nacionnan Uni, De Thant, ayera a papia cu e miembran di e comite di seguridad tocante un reunion di e comite pa papia riba e kuestion Cubano. Probablemente e reunion ey lo tuma lugar e siran aki.

De Thant a declara ayera nochi, cu e ta aprecia un consulta continua cu e comite.

Funcionanario na Washington ta optimista tocante e desarollo di e kuestion Cubano, di un banda a base di e kuestion cu nan a tuma recientemente, cu ta mustra cu berdaderamente nan ta demostrando e basenan di raket, y di otro banda pasobra nan ta confia cu Union Sovietica lo logra hantia Cuba asina len pa e bai di acuerdo cu inspeccion na e basenan door di Nacionnan Uni.

Pero di banda di gobierno Mericano nan a pormu averta nochi, cu segun opinion di president Kennedy cu pa tempu ilimita den un of otro forma mester tene vigilancia riba e camindanan pa Cuba pa evita un transport nobo di armament di raket pa e isla.

Segun informacion di Nacionnan Uni nan ta spera awe nochi for di Geneve e ex-president di Cruz Roja Internacional, Paul Ruegger, na New York, Paiza.

### PAPA TA NOMBRA MIEMBRO DI CORTE DI CONCILIO

CIUDAD DEL VATICANO, 6 nov. — Papa Juan a nombra e miembran di e corte di justicia di concilio, asina e agencia Holandes-Catolico di notisia ta anuncia.

El tribunal aki ta autorisa pa duna fallo nan riba tur asunto nan juridico cu lo por presenta durante concilio.

### Concilio a sigui

Despues di un pausa di entera dia e trabao nan na e concilio a sigui ayera mainta. Parce cu e parlaman di e concilio na ta di acuerdo cu e programa di reuni cu nan a liza te awor aki. Hopi di nan a propone pa despues di un pausa di entera dia den e luna di december, directanamente, na Januari arobre.

E desao aki ta bini especial di obispo nan cu tin cu bini di paisnan hopi leu y cu nan segun e schema bien ta hantia nan ta paga hopi placa pa transport.


Mariniernan cu a caba di yega na e base mericano na Guantanamo ta subi den autonnan di ehercito pa sigui pa nan barak of tentnan.

### BUCHI ROBEZ

presenta pa cortesia di: REFRESQUERIA INGRID

Tel. 1849

★ e mehor adres pa snacks, tur clase di dushi, softdrinks, ice-cream y revistas



Ultimamente ministro di Verkeer y Waterstaat H. A. Korthals a inaugura e parti di Rijksweg entre Hardewijk y Wezep pa trafico. Aquí nos por forma nos un idea di inauguracion dje camina nobo di trafico y mientras e prome autonnan tabata pasa riba e camina nobo aqui e hubentud tabata sigui ta mira cu masha interes.

### CRUZ ROJA Y CUBA

GENEVE, 6 nov. — Un portavoz di Cruz Roja Internacional a bisa, cu nan ta studiando keta bai riba e manera cu e comite internacional por yuda N.U. en relacion cu e inspeccion na Cuba.

E portavoz a bisa cu e no sa qui proposicionnan Nacionnan Uni a haci e comite, pero e representante di e comite, Paul Ruegger, lo bai New York na cuinsamento di e siman aki pa delibera. Un portavoz a desmenti fuertemente e noticianan, cu ya e comite a bai di acuerdo cu un proposicion di Nacionnan Uni.

Segun e portavoz e comite actualmente ta solamente dispuesto pa considera yudanza na N.U. den e kuestion di Cuba.

### Cuba ta bai di acuerdo cu inspeccion di Cruz Roja

E comite internacional di Cruz Roja a participa ayera cu gobierno cubano a aproba, pa encarga e comite aki cu inspeccion por lo pronto durante di un luna. Cruz Roja lo nombra e funcionario-

### VIGILANCIA NA CUBA MESTER SIGUI

Ayera nochi nan a informa, cu president Kennedy ta di opinion, cu pa tempu ilimita mester tene vigilancia di un of otro manera riba e camindanan cu ta bai Cuba, pa asina evita un eventual importacion nobo di armament sovietico riba e isla den futuro.

Na esaki nan ta agrega, cu Kennedy a acentua, cu e ta keda para firme riba su exigencia, cu inspeccionnan internacional mester sigui nan mes cu e basenan di raket en Union Sovietica a traha na Cuba, berdaderamente a ser kita of ta worde kita. Segun e fuente autoriza aki president Kennedy lo no keda satisfeco cu nada menos.

Di fuente gubernamental mericano ta informa, cu president Kennedy lo no acepta cu e amenaza di Union Sovietica

contra Merca a worde kita, prome cu esey keda stipula pa un inspeccion internacional. Kennedy ta di opinion cu ni Casa Blanca ni Kremlin mester bai di acuerdo cu seguridad no confirma bou di e actual circunstancianan.

E president ta considera su acuerdo cu e premier ruso resultado di diplomacia duru, cu na ambos banda no ta laga espacio pa ningun duda.

Pues e ta di opinion, cu si e actual amenaza for di Cuba keda abolí, vigilancia riba e camindanan pa Cuba ta keda necesario pa evita, cu atrobé armament sovietico por drenta Cuba.

### NEW YORK TIMES TOCANTE CUBA

NEW YORK, 6 nov. — E corant mericano "New York Times", a scribi cu e precedente cu premier Chrostejev a crea door di bai di acuerdo cu inspeccion internacional di e basenan ruso di raket na Cuba, ta hustifica un cierto speranza, cu na Moscu por desarolla

### PROTEST NA FAVOR DI CUBA NA PEKING

E demostracion a sigui ora cu ya a bir sear. Segun calculo mas o menos un millon hende a pasa dilanti di e embahada cubano. Chou en Lai a confirma ayera, cu China ta apoya Cuba den su lucha contra provocacionnan di guerra di parti di imperialistanan.

Tambe China ta apoya e cinco exigencianan di e premier cubano Fidel Castro.

### CONGRESO DI PARTIDO NA SOFIA INAUGURA

SOFIA, 6 nov. — Ayera mainta nan a inaugura e octavo congreso di partido na Sofia di partido comunista bulgaro. E representantnan di partido comunista cubano a worde ricibi cordialmente door di e partiepantenan.

### COALICION DI ALEMANIA OCCIDENTAL TA SIGUI EXISTI

BONN, 6 nov. — Despues di deliberacionnan cu a dura hopi ora largu e dos partidonan di gobierno Aleman — e cristian democraatnan y e democraatnan liber — a yega na un acuerdo pa sigi cu e cooperacion ayera tardi nan a participa den un comunicado, cu esnan interesa tabata di opinion, cu muy en especial en bista di e actual situacion politica e actual coalicion mester sigi existi.

Nan a dicidi pa retira dr. Walter Strauss for di su puesto di secretario di husticia. Strauss suemto a ocupa un puesto den gobiernonan di Alemania Occidental for di anja 1949.

### FIN DI PRUEBANAN NUCLEAR DI MERCA DEN OCEANO PACIFICO

WASHINGTON, 6 nov. — Ayera president Kennedy a participa, cu e actual srie di pruebanan nuclear di Merca den territorio di oceano pacifico a termina. El a bisa tambe cu e ta spera, cu den lunanan cu ta bini por yega na un acuerdo pa prohibi mas pruebanan nuclear.

E president Mericano ta bisa den un mensahe especial, cu si Merca lo sigi cu e pruebanan nuclear subteraneo na Nevada.

E anuncio aki di Kennedy a sigi despues di e exitoso explosion nuclear cu Merca a haci ayera mainta trempan den atmosfera.

### E CASO CONTRA E CORANT "DER SPIEGEL"

E minister di defensa terrestre di Alemania Occidental, Strauss a bisa ayera den un entrevista cu un representante di un corant Aleman, cu e procurer di Alemania Occidental a participa e ministro di husticia, Stammerberg, por escrito, cu nan lo haci un investigacion juridico tocante e sistema cu e ta bai na e corant "Der Spiegel".

E minister a declara esaki eomo contesta riba un pregunta, si e ta considera correcto, cu nan no a pone e minister di husticia inmediatamente na altura di e accion contra "Der Spiegel".

### DESGRACIA DI TREIN NA SUR SLAVIA

BELGRADO, 6 nov. — Door cu un trein a sali for di riel riba e ruta entre Belgrado y Skopje, pega cu e pueblo Koemanovo, a muri ayera por lo menos dies hende. Dos wagon, den eal tabata sesenta pasahero a bolter di e rielnan.

### NOORD SPANJA INUNDACIONAN NA

MADRID, 6 nov. — Como consecuencia di inundacionnan, cu tabatin despues dje caida duru di awaer na Barcelona, nan a anuncia hopi danjo. Pero nan no a duna anuncio ainda di vieltmanan. Cerca di Moeada, e awa a lastra dos brug riba Ripoll bai cu nan y na Sabadell y Tarrasa e fabricanan texiler no por traha for di e inundacion di september pasa. Actualmente nan ta mas destrui. Na ciudad di Barcelona abou.

lona awa a drenta den casnan cu ta

### MINISTRO DI DEFENSA TA BINI ANTILLAS

(Di nos corr. di Corsow). WILLEMSTAD, 6 nov. (R.V.D.) — Riba dia 14 di november ta ser spera na Antillanan Neerlandes ir. S.H. Visser, ministro Hulandes di defensa. Lo e queda aqui te dia 25 di november, mientras lo e tene deliberacionnan cu gobierno Antillano i antillanero militar.

### DIEZ BAND TA TUMA PARTI NA BANDSTAND

ORANJESTAD, 6 nov. — No menos cu 10 band i conjunto lo duna nan cooperacion na e "Bandstand 1962" cu lo ser organisa pa Y's Men's Club riba dia 1 di December den Lago Heights Club. Esakinan ta "Sensacion Musical", "Sonora del Caribe", "Caribbean Ambassadors", "Las Elegantes", "Nueva Sensacion", "Conjunto San Fernando", "The Hepcats", "Mariachi Aruba". E otro bandnan cu ainda quier tuma parti na e ocasion aki, por comunican cu Sr. Lionel Roberts, c/o Aruba Trading Company of cerca Sr. Henry Brown, c/o E.E.T.

### TRES LIDER DI UNION DI ARUBA PA CONGRESO NA CARACAS

ORANJESTAD — E directiva di Union Portuario Arubano (U.P.A.), e union di obreronan di haf aki, a ricibi un invitacion pa manda un delegacion pa e di cuater Congreso Internacional y di cinco Curso di Union di e Federacion Internacional di Unionnan Cristiano (C.I.A.S.C.), cu local UPA ta afilia. Esaki ta pa prome blaha cu un invitacion asina importante a worde ricibi y e directiva di UPA ta di opinion cu esaki ta un chens importante pa e desarollo di unionismo na Antillas en general y Aruba en particular.

Segun nos a worde informa e gastonan di e blaha aki ta completamente a cargo di Unesco, un departamento di e organizacion di Naciones Uni cu a declara cu e ta dispuesto pa cubri e gastonan di e unionnan afilia cu C.I.A.S.C. y cu no por asisti na e Congreso pa motibo di e gastonan haltu. E delegacion di tres hende di Aruba lo ta bao di sr. Edgar (Eddy) Maduro, secretario general di UPA y alabes president di Union di chofernan di Aruba A.C.U. y representante di e federacion Latino di Unionnan Cristiano na Aruba. E congreso y e curso lo tuma lugar dia 9 te dia 27 di e luna aki na Caracas.

E apertura lo tuma lugar diabiernes p.v. den Teatro Municipal, na unda entre otro e presidente di Venezuela dr. Rómulo Betancourt y dr. Aristides Galvani lo papia. Durante e dianan siguientes e programa lo sigui den oriel Guaiacumacuto. Nan ta spera mas cu 250 delegado for di Sur, Norte America y Canada, Europa, Afrika y Asia. Den curso di e dos siman y mei cu e congreso lo dura e delegadonan por seucha dr. Mario Zárritu, un economista di Chili, dr. Rafael Caldera, un sociologo di Venezuela, sr. P. Biou un economista y humanista frances, dr. Valmore Acevedo un economista y funcionario di gobierno di Venezuela, dr. Peter Molt, un aleman promoví den scienctianan politico y dr. Vioreto Jimenez Landinez, e ministro di agricultura di Venezuela.

Dia 26 e Congreso lo worde sera den e Nuevo Circo di Caracas cu un reunion masal di obreronan, campesinonan y hubentud.

Tambe durante esei dr. Bethancourt lo ta presente.

### CURACAO Y ARUBA FONDO PA STRIP HUMORISTICO

(Di nos correspondencia na Corsow). WILLEMSTAD, 6 nov. — Curacao i Aruba ta forma e strip humoristico nobo cu den corantnan Mericano lo ser publica cu un tirada total di 26 million exemplar. Esaki ta e strip popular destina pa aduiltonan i entitula "On Stage", cu regularmente ta ser impimi den mas di cien diartionan na norte i Suramerica.

Leonard Star e tata spiritual di e historia aki, a pensa primeramente riba riviera Italiano i Frances como fondo pa e serie nobo.

Riba iniciativa di R.J. Dovale di Dovale Advertising, Curacao, el a scolhe awor e dos islanan di mas grandi di Antillanan Neerlandes.

E publicidat pa Aruba i Curacao lo aleanza centenares di milion hendenan na Estados Unidos. N' ta cos di bisa mes cu un semehante publicidat ta impagable. Su balar ta inmensamente grandi pa nos islanan. I sin embargo e publicidat aki pa Antillanan Neerlandes a ser realiza door di nos oficina completamente gratis pa gobierno Antillano i industria di turistanan, asina R.J. Dovale Advertising a participa den un comunicando di prensa. A ser agrega acerca cu Sr. Morris R. Sewoskin di Hotel Aruba Caribbean a promete tur cooperacion.

### EXPLOSION NA CABO CANAVERAL

CABO CANAVERAL, 6 nov. — Ayera un raket Polaris dje tipo A-3 a explota poco despues di lansa mientu for di base na Cabo Canaveral. E proyectil cu mester n recorre un distancia di tres mil km. a falla. Di pronto e prome piso dje raket Polaris a explota. E segundo piso a sigui su curso pero a exploti algun tempo despues y e cai den Atlantico. Esaki ta e di 4 fracaso cu un raket dje tipo aki.

### BO HOROSCOPO PERSONAL

\*RIES  
31 Maart — 20 April



TAURUS  
21 April — 20 Mei



GEMINI  
21 Mei — 20 Jun



LEO  
23 Jun — 22 Augustus



CANCER  
21 Jun — 22 Jul



VIRGO  
23 Augustus — 22 September



LIBRA  
23 September — 22 October



SCORPIO  
23 October — 22 November



AGITARIUS  
23 November — 21 December



CAPRICORNUS  
22 December — 19 January



ACUARIUS  
20 Januari — 18 Februar



PISCES  
19 Februar — 20 March



UNION SOVIETICA TA PIDI RETIRO DI MIEMBRO DI EMBAHADA MERICANO

MOSCU, 6 nov. — Union Sovietica a pidi Merca pa yama Richard Carl Jacob inmediatamente back for di Rusia. Jacob ta funcionario di embahada Mericano na Moscu.

E caracter di e material cu nan a hantia Jacob uné, no ta laga ningun duda, asina Tass ta bisa, cu e Mericano tabata contacto cu un espia.